

# Ժողովուրդ

50  
(3259)

22 ապրիլի չորեքշաբթի 2026  
տպագրության ԺԵ տարի

✉ ք. Երևան, Արմվյան 22ա/3 (0010)

☎ + 374 10 546423

@ info.armlur@gmail.com, info.zhoghovurd@gmail.com

100 դրամ

## ՀՖՖ ՆԱԽԱԳԱՐԻ ԳԵՄ ԲՈՒՆՏ Է ՀԱՍՈՒՆԱՑԵԼ



Armlur.am-ի բացառիկ տեղեկությունների համաձայն՝ ֆուտբոլային մի քանի ակումբի սեփականատերեր եւ ֆան ակումբի ակտիվիստներ օրերս հանդիպել են ՀՀ վարչապետ Նիկոլ Փաշինյանին ու իրենց դժգոհությունը հայտնել հայկական ֆուտբոլի ներկա խայտառակ վիճակի մասին:

Ըստ մեր տեղեկությունների՝ Նրանք նշել են, որ թեեւ քաղաքական իշխանությունը չի խառնվում ֆուտբոլային քաղաքականությանը, եւ քաղաքական թիմը արդեն 4 տարի է՝ ամբողջությամբ դուրս է եկել գործկոմից, ներկա իրավիճակը լուրջ հարվածում է ֆուտբոլին եւ պատիվ չի բերում Հայաստանին: Նրանք հայտնել են, որ մայիսին պատրաստվում են նախադեպը չունեցող բողոքի ակից սկսել ֆեդերացիայի դեմ:

Մեր աղբյուրները նշում են, որ Նիկոլ Փաշինյանը եւս ամբողջությամբ կիսել է ակումբների մտահոգությունները. իրավիճակը պատիվ չի բերում երկրին, եւ ֆեդերացիայի ամբողջ ղեկավարությունը արժանի չէ շարունակելու իր աշխատանքը:

Շարունակությունը՝ ArmLur.am կայքում

**Ա**rmLur.am-ի տեղեկություններով՝ «Հայաստանի էլեկտրական ցանցեր»-ի ժամանակավոր կառավարիչ Ռոմանոս Պետրոսյանը կայցելի ՀԾԿՀ: Բանն այն է, որ Պետրոսյանը պատրաստվում է ՀԾԿՀ-ին ներկայացնել առաջարկ, ըստ որի՝ «Հայաստանի էլեկտրական ցանցեր» ընկերությունում կմեկնարկի գործընթաց՝ ուղղված նոր սպառողների՝ բաշխման ցանցին միանալու (նոր բաժանորդ դառնալու) դեպքում վճարների 30-40% նվազեցմանը: Հիշեցնենք, որ դեռ հունվարին գրել էինք, թե ՀԵՑ-ի ժամանակավոր կառավարիչ կարգադրությամբ արդեն մեկնարկել է նոր սպառողների միացման վճարների նվազեցման գործընթացը: Ըստ նախնական վերլուծությունների եւ ճշգրտված տվյալների՝ փոփոխությունները կունենան հետեւյալ տեսքը. 0.22 կՎ լարման եւ 10 կՎԱ հզորության համար առանձնատների ստանդարտ միացման վճարները՝ Երեւանում ներկայում կազմում են 277 հազար դրամ, իսկ նախնական հաշվարկով կկազմեն շուրջ 186 հազար դրամ, ՀՀ մարզերում ներկայում կազմում են 229 հազար դրամ, իսկ նախնական հաշվարկով կկազմեն շուրջ 151 հազար դրամ:



«Ժողովուրդ» օրաթերթը ուսումնասիրել է «Քաղաքացիական պայմանագիր» կուսակցության նախընտրական ցուցակի 62-րդ համար Լյուդվիգ Գյուլնազարյանի հայտարարագրերը, գույքային վիճակն ու քաղաքական գործունեությունը: Լյուդվիգ Գյուլնազարյանը վերջին տարիներին ակտիվ դերակատարում է ունեցել Փարաքար համայնքի կառավարման համակարգում՝ անցնելով ավագանու անդամից մինչեւ համայնքի ղեկավարի պաշտոն: «Ժողովուրդ» օրաթերթը նաեւ գրել էր, որ նրա քաղաքական ուղին ուղեկցվել է ոչ միայն առաջխաղացմամբ, այլեւ աղմկահարույց միջադեպերով: Մասնավորապես, «Ժողովուրդ» օրաթերթը գրել էր, որ 2024 թվականին Գյուլնազարյանը հրաժարական է ներկայացրել համայնքի ղեկավարի պաշտոնից՝ քրեական միջադեպից հետո: Ըստ հրապարակումների՝ նա գտնվել է կրակոցների վայրում, ստացել է հրազենային վնասվածք, սակայն պնդել է, որ դեպքին մասնակցություն չի ունեցել եւ հրաժարական է տվել՝ նախաքննությանը չխանգարելու համար:



Մանրամասները՝ ArmLur.am կայքում

**ՀՀ** ԱԳ նախարար Արարատ Միրզոյանն ընդունել է ՆԱՏՕ-ի գլխավոր քարտուղարի՝ Կովկասում եւ Կենտրոնական Ասիայում հատուկ ներկայացուցիչ Քեյն Զեմին Զեմիլթոնին: Զրուցակիցները գոհունակությամբ ընդգծել են Հայաստանի եւ ՆԱՏՕ-ի միջեւ քաղաքական երկխոսության ակտիվ դինամիկան: Քննարկվել են փոխգործընկերության ընդլայնման ուղղված նախագծերը, որոնց կարելի էր բաղադրիչ է Հայաստանի կողմից իրականացվող բարեփոխումներին եւ ժողովրդավարական զարգացմանն աջակցությունը: Նախարար Միրզոյանը ներկայացրել է տարածաշրջանային վերջին զարգացումները, ինչպես նաեւ հարեւանների հետ հարաբերությունների կարգավորման եւ խաղաղության հետագա ինստիտուցիոնալիզացիայի ուղղությամբ իրականացվող քայլերը: Անդրադառնալով տարածաշրջանային փոխկապակցվածության թեմային՝ գրուցակիցներն ընդգծել են, որ նոր իրողությունների պայմաններում Հարավային Կովկասը կարող է փոխկապակցող կամրջի դեր կատարել: Սա արտահայտված է նաեւ ՀՀ կողմից ներկայացված «խաղաղության խաչմերուկ» նախագծում: Հանդիպմանը մտքեր են փոխանակվել միջազգային անվտանգությանն առնչվող հարցերի, ինչպես նաեւ բազմակողմ հարթակներում փոխգործակցության շուրջ:



ՀԱՌՑԱԳՐՈՒՅՑ

«ԻՄ ՊԱՅՔԱՐԸ ԵՂԵԼ Է ԵՐԵՎՈՒՅԹՆԵՐԻ ԳԵՄ»

ArmLur.am-ը գրուցել է «Հայաստան» խմբակցության դասգամավոր Քրիստինե Վարդանյանի հետ:

-Տիկին Վարդանյան, Ձեր կենսագրությունը ուսումնասիրելով՝ նկատելի է, որ Ձեր քաղաքական ակտիվ գործունեությունը սկսվել է հատկապես 2018 թվականից: Դա համընկնում է այդ ժամանակաշրջանի իրադարձությունների հետ, թե՛ նախապես էր որոշված:



Ժամանակի ընթացքում միայն արձագանքելը բավարար չէր, պետք էր նաև պայքարել: Այդպես էլ ստացվեց, որ ամբողջությամբ ներգրավվեցի այս ոլորտում:

-Իշխանությունը հաճախ նշում է, որ ընդդիմությունը պայքարում է անձերի դեմ: Ձեզ ինչպե՞ս պետք է հիշի հանրությունը՝ որպես գաղափարի, թե՛ անձանց դեմ պայքարող:

-Ես երբեք անձերի դեմ խնդրել չեմ ունեցել: Իմ պայքարը եղել է երեսույթների դեմ: Օրինակ՝ եկամտահարկի համահարթեցման դեմ պայքարը կապված չէր որևէ կոնկրետ անձի հետ, այլ սխալ քաղաքականության: Խնդիրը այն գիծն է, որը տարվում է: Կարծում եմ՝ 2018-ից հետո այդ գիծը փոխվել է, եւ այն պետք է փոխվի նորից՝ այլ ուղղությամբ:

-Հաճախ հիշվում է Սոնա Ղազարյանի հետ կապված միջադեպը: Ձրո՞ւմ եք:

-Ես չեմ կարծում, որ որեւէ բան եմ արել, որի համար պետք է զղջամ: Դա ցույց էր, որտեղ մենք պահանջում էինք պատասխաններ: Եթե դա ընկալվել է որպես

ճշմուն կամ հոգեկան անհանգստություն պատճառել, կարող եմ ներողություն խնդրել այդ մասով, բայց հիմնական հարցը մնում է՝ իրենց գործողությունների համար երբ են պատասխան տալու:

-Ձեր մասնակցած ակցիաները երբեմն սուր են գնահատվում:

-Ես մասնակցել եմ տարբեր ակցիաների՝ դեռ մինչև պատգամավոր դառնալը: Դա եղել է իմ քաղաքացիական դիրքորոշման արտահայտումը: Եթե նույնը անեն իմ նկատմամբ, դա նորմալ եմ համարում:

-Ինչպե՞ս կգնահատեք ընդդիմության աշխատանքը՝ օրինակ 5 բալանոց համակարգով:

-Եթե իրավիճակը չի փոխվել, ապա արդյունավետ գնահատել չեմ կարող: Մեզ մոտ կա «բավարար» եւ «անբավարար» գնահատական: Այս պահին՝ անբավարար: Պայքարի նպատակը իշխանություն ստանալն է՝ որպես գործիք իրավիճակ փոխելու համար: Կան մարդիկ, ովքեր պատրաստ են այդ պատասխանատվությանը, բայց նրանք քիչ են:

-Այս խորհրդարանը հաճախ հիշվում է միջադեպերով, հատկապես կանանց նկատմամբ: Ինչպե՞ս եք գնահատում սա:

-Հասարակության համար սա շատ տհաճ է: Բայց պետք է հասկանալ պատճառը: Նախկինում էլ եղել են սուր խոսքեր, բայց նման պատկերներ՝ ոչ: Այսօր կա իշխանություն, որը ունի մեծ լծակներ եւ հաճախ չի կարողանում ինքն իրեն զսպել: Եթե ուզում ենք նման միջադեպեր չլինեն, պետք է փոխվի այդ կառավարման մշակույթը:

Ձրուցե՞ք՝ ՍՈՍԱ ԳՐԻԳՈՐՅԱՆԸ

ՔՊ-Ն ԳՐԱՄԱՀԱՎԱՔ Է ՄԿՄԵԼ

ArmLur.am-ի տեղեկությունների համաձայն՝ «Քաղաքացիական պայմանագիր» կուսակցությունը դրամահավաք է հայտարարել: Մենք տեղեկացանք, որ ՔՊ-ն դրամահավաքն իրականացնում է հունիսի 7-ի ԱԺ ընտրությունների քարոզարշավի իրականացնելու համար: Հիշեցնենք, որ ՔՊ-ն բոլոր ընտրություններից առաջ դրամահավաք է իրականացնում: Ըստ կուսակցության ներկայացրած հայտարարությունների՝ դա իրականացվում է այն բանի համար, որ կուսակցությունը կարողանա հոգավ քարոզչական ծախսերը: Նշենք, որ ArmLur.am-ը գրել էր, որ Երեւանի ավագանու ընտրություններին ընդառաջ, տեղի է ունեցել «Քաղաքացիական պայմանագիր» կուսակցության դրամահավաք-երեկոն: Մեզ հայտնի էր դարձել, որ թվով 987 նվիրատուների հանգանակությունների արդյունքում հավաքվել է 506 532 950 ՀՀ դրամ:

Ս. Գ.

ՆՈՐ ԽՄԲԱՔԱՆԱԿ ԿՈՒՂԱՐԿՎԻ

Ադրբեջանական լրատվամիջոցները հայտնում են, որ առաջիկայում Ադրբեջանից Հայաստան կուղարկվի դիպլոմատական անվտանգության խմբակ: Ըստ հաղորդումների՝ երկաթուղային ճանապարհով նախատեսվում է ուղարկել 16 վագոն դիպլոմատական անվտանգության: Հիշեցվում է, որ դեռեւս 2025 թվականի հոկտեմբերի 21-ին Ադրբեջանի նախագահ Իլհամ Ալիևը հայտարարել էր, որ Ադրբեջանը վերացրել է Հայաստան բեռնափոխադրումների տարանցման բոլոր սահմանափակումները: Առաջին նման բեռն եղել էր Ղազախստանից Հայաստան ուղարկված հացահատիկը: Ադրբեջանական աղբյուրների փոխանցմամբ՝ վերջին ամիսներին շարունակվել են տարբեր բեռների մատակարարումները դեպի Հայաստան: Մասնավորապես՝

2025 թվականի դեկտեմբերի 18-ին SOCAR-ը Հայաստան էր ուղարկել 1220 տոննա ԱԻ-95 բենզին,

2026 թվականի հունվարի 9-ին ուղարկվել էր ընդհանուր 2698 տոննա բեռ՝ ներառյալ բենզին եւ դիզելային վառելիք,

հունվարի 11-ին՝ 18 վագոն բենզին, փետրվարի 25-ին՝ 4500 տոննա դիզելային վառելիք,

մարտի 5-ին՝ 31 վագոն դիզելային վառելիք եւ պարարտանյութ, մարտի ընթացքում նաեւ մի քանի խմբաքանակով հացահատիկ եւ այլ բեռներ,

ապրիլին՝ նոր խմբաքանակներ դիզելային վառելիքի եւ պարարտանյութերի:

Այսպիսով, ադրբեջանական լրատվամիջոցները նշում են, որ էներգակիրների եւ այլ բեռների մատակարարումները շարունակական բնույթ են կրում, իսկ նոր՝ 16 վագոն դիզելային վառելիքի ուղարկումը հերթական նման քայլն է:

Ա. Վ.

ՍՈՑԻԱԼԱԿԱՆ-ՔԱՂԱՔԱԿԱՆ

ՔՆՆԱՐԿՈՒՄ ԿԼԻՆԻԻ

Աժ պատգամավոր Թագուհի Թովմասյանը հայտնում է. «44-օրյա պատերազմում զոհված, անհետ կորած, բռնի անհետացած զինծառայողների ծնողները դիմել են ինձ՝ ապահովելու իրենց ճշմարտությունը բարձրաձայնելու, տեղեկացված ու լսված լինելու, ինչպես նաեւ պատերազմի արձագանքների վերաբերյալ բաց քննարկում ունենալու իրավունքների իրացումը:

Խոսքը վերաբերում է ոչ միայն քաղաքական կամ ընթացակարգային հարցի, այլ առաջին հերթին՝ մարդու իրավունքներին: Անհետ կորածների եւ բռնի անհետացածների ընտանիքները տարիներ շարունակ ապրում են անորոշության, տեղեկատվական վակուումի եւ պատասխանների բացակայության պայմաններում: Այդ իրավիճակում պետությունը պարտավոր է ապահովել հնարավորինս բաց, թափանցիկ եւ արժանապատիվ հաղորդակցություն ընտանիքների հետ:

Ծնողների դիմումի հիման վրա արդեն պաշտոնապես դիմել եմ Աժ աշխատակազմի ղեկավար-գլխավոր քարտուղարին՝ տրամադրելու Աժ լիազումար նիստերի մեծ դահլիճը՝ աշխատանքային քննարկում կազմակերպելու, 44-օրյա պատերազմի հանգամանքներն ուսումնասիրող քննիչ հանձնաժողովի գաղտնի գրությամբ արխիվացված զեկույցի եւ պատերազմի արձագանքների շուրջ: Առաջարկում ենք, որ քննարկումը կայանա ապրիլի 23-ին՝ ժամը 12:00, Աժ նիստերի մեծ դահլիճում բաց, ուղիղ հեռարձակմամբ, այլ ոչ թե՛ ղեկավարի ձեռագրով: Այս հարցում առանցքային են՝ ընտանիքների ճշմարտությունը բարձրաձայնելու եւ լսելու իրավունքը, պետական մարմինների հաշվետվողականությունը, եւ զոհերի ու անհետ կորածների հարազատների նկատմամբ արժանապատիվ վերաբերմունքը:

Քննարկումը հետաքրքրված անձինք կարող են մասնակցության կամ լրացուցիչ հարցերի համար զանգահարել նշված հեռախոսահամարով՝ հեռ. 093 783 077: Հետագա մակարամասների մասին կտեղեկացվի հավելյալ: Դիմումը եւ գրությունը կտեղադրեն մեկնաբանության բաժնում»:

ՆԱԽԱԳԻԾ

ArmLur.am-ը պարզեց, որ e-draft հարթակում հանրային քննարկման է ներկայացվել «Որդեգրման եւ որդեգրման վերահսկողության իրականացման կարգերը հաստատելու մասին» կառավարության որոշման նախագիծը, որը նպատակ ունի արմատապես վերանայել ոլորտի գործող կարգավորումները: Նախագիծը մշակվել է Աշխատանքի եւ սոցիալական հարցերի նախարարության կողմից՝ միջազգային գործընկերների աջակցությամբ, եւ քննարկման ժամկետ է սահմանվել ապրիլի 20-ից մինչեւ մայիսի 6-ը:

ArmLur.am-ի ուսումնասիրությամբ պարզվում է, որ ներկայումս որդեգրման գործընթացը կարգավորվում է տարբեր իրավական ակտերով՝ ընտանեկան օրենսգիրք, քաղաքացիական դատավարության օրենսգիրք, մի շարք օրենքներ եւ կառավարության որոշումներ, ինչը հաճախ բարդացնում է գործընթացը թե՛ իրավակիրառողների, թե՛ որդեգրել ցանկացող քաղաքացիների համար:

Նոր նախագծով առաջարկվում է ունենալ մեկ միասնական իրավական ակտ, որը կկարգավորի որդեգրման եւ դրա վերահսկողության գրեթե բոլոր փուլերը: Ըստ

հեղինակների՝ սա թույլ կտա համակարգել գործընթացը եւ այն համապատասխանեցնել միջազգային չափորոշիչներին:

Առանձնահատուկ կարեւոր փոփոխություններից մեկը վերաբերում է «համադրման» մեխանիզմին: ArmLur.am-ը պարզեց, որ նախագծով որդեգրումը այլեւս չի հիմնվելու միայն որդեգրել ցանկացող անձի ընտրության վրա: Փոխարենը ներդրվում է երկփուլ համակարգ՝ տեխնիկական փուլ, մասնագիտական փուլ:

Այս մեխանիզմով երեխայի եւ որդեգրողի համապատասխանությունը գնահատվելու է տարբեր չափանիշներով՝ երեխայի կարիքներ, ընտանիքի պայմաններ, հոգեբանական միջավայր եւ այլ գործոններ: Նպատակն է ապահովել երեխայի լավագույն շահը եւ բացառել «ընտրության» սուբյեկտիվ մոտեցումները: Նախագծով նաեւ առաջարկվում է ստեղծել միասնական շտեմարան որդեգրման ենթակա երեխաների եւ որդեգրել ցանկացող անձանց վերաբերյալ, սահմանել հստակ կանոններ գործընթացի գաղտնիության համար, ինչպես նաեւ հստակեցնել վերահսկողության մեխանիզմները:

ArmLur.am-ը պարզեց, որ գործող 2010 թվականի թիվ 269-Ն որոշումը նախատեսվում է աստիճանաբար ուժը կորցրած ճանաչել՝ 2028 թվականից Արարատի մարզում, իսկ 2029 թվականից՝ ամբողջ հանրապետությունում:

Նախագծի հեղինակների համոզմամբ՝ փոփոխությունների արդյունքում որդեգրումը Հայաստանում կկազմակերպվի երեխայի լավագույն շահերից ելնելով, այլ ոչ թե՛ կլինի միայն որդեգրել ցանկացող անձանց ընտրության վրա հիմնված գործընթաց:

Ա. Վ.



ՍՊՈՒՆՈՒԹՅՈՒՆ

ԱՆՄԵՂԱՌԻՆԱԿ Է ՃԱՆԱԶՎԵԼ

Չարենցավանի եկեղեցում հոգե- հանգստի ժամանակ ֆաղափացում ստանալու անմեղսունակ է ճանաչվել, եւ քրեական վարույթով նախաքննության ավարտ է հայտարարվել, ու գործը ուղարկվել է դատարան:

Արթուր Շահնազարյանին մեղադրանք է առաջադրվել այն բանի համար, որ նա անմեղսունակության վիճակում կատարել է հետեյալ՝ քրեական օրենսգրքով չթույլատրված արարքները:

Արթուր Շահնազարյանը 2024 թվականի մայիսի 07-ին՝ ժամը 20:30-ի սահմաններում, իր բնակության վայրում, դանակի գործադրմամբ առողջության թեթև վնասի հատկանիշներ պարունակող մարմնական վնասվածք է պատճառել փեսային՝ Արսեն Վանիկի հաջատրյանին, իսկ 2025 թվականի հոկտեմբերի 11-ին՝ ժամը 13:00-ի սահմաններում, Չարենցավան քաղաքի «Սուրբ Փրկիչ» եկեղեցում, դանակի գործադրմամբ բազմաթիվ հարվածներ հասցնելով, ապօրինաբար կյանքից զրկել՝ սպանել է Անդրանիկ Միրանի Ղազարյանին, որպիսի գործողություններն արտահայտվել են հետեյալում:

Արթուր Վարդանի Շահնազարյանը 2024 թվականի մայիսի 07-ին՝ ժամը 20:30-ի սահմաններում, իրենց՝ Չարենցավան քաղաքի 3-րդ թաղամասի 21-րդ շենքի 7-րդ բնակարանում, կենցաղային հարցերի շուրջ վիճաբանել է քրոջ ամուսնու՝ Արսեն Վանիկի հաջատրյանի հետ, որը վերածվել է փոխադարձ կռվի, եւ որի ընթացքում փոխադարձաբար ձեռքերով եւ ոտքերով հարվածներ են հասցրել միմյանց: Այդ ընթացքում Արթուր



Չարենցավան

Շահնազարյանը, մարմնական վնասվածք պատճառելու դիտավորությամբ, չպարզված դանակով հարվածներ է հասցրել փեսային՝ Արսեն հաջատրյանին՝ պատճառելով գլխի ծախից ծոծրակային շրջանի, աջ ականջախեցու, ծախ ուսահողի շրջանի առաջային մակերեսի մեկական ծակած-կտրած վերքեր, աջ ծոծրակային շրջանի, պարանոցի ստորին երրորդականի աջ կեսի առաջակողմային մակերեսի արյունազեղումներ, ինչպես նաեւ աջ թշային շրջանի ճակատվածք՝ առողջության թեթև վնասի հատկանիշներ պարունակող մարմնական վնասվածքներ:

Բացի այդ, Արթուր Վարդանի Շահնազարյանը 2025 թվականի հոկտեմբերի 11-ին՝ ժամը 13:00-ի սահմաններում, Չարենցավան քաղաքի Տերվիշյան փողոցի հա-

րակից հատվածում գտնվող «Սուրբ Փրկիչ» եկեղեցում, մասնակցելով ազգականի հուղարկավորության արարողությանը, չպարզված դրոպապատճառով, հուղարկավորության մասնակից Անդրանիկ Միրանի Ղազարյանին ապօրինաբար կյանքից զրկելու ուղղակի դիտավորությամբ, անտեսելով եկեղեցում գտնվելու եւ բազմության ներկայության հանգամանքը, իր մոտեղած ծալովի դանակով թիկունքի կողմից մոտեցել է Անդրանիկ Ղազարյանին եւ դանակով բազմաթիվ հարվածներ հասցրել կրծքավանդակի հետին մակերեսին, պարանոցին եւ գլխին, ապա դիմել փախուստի: Իսկ Անդրանիկ Ղազարյանը հիվանդանոց տեղափոխվելու ճանապարհին ստացած մարմնական վնասվածքներից մահացել է:

ՔՆԱՐ ՍԱՆՈՒԿՅԱՆ

ԼՈՒՐԵՐ

ԿԳԱՆ ԽՈՒՋԱՐԿԵԼՈՒ

Հայաստանում վերջին տարիներին նկատվում է բնակարանային խուզարկությունների թվի էական աճ, ինչը հարցեր է առաջացնում ոչ միայն քրեական արդարադատության արդյունավետության, այլեւ մարդու հիմնարար իրավունքների պաշտպանության տեսանկյունից:

ArmLur.am-ը պաշտոնական վիճակագրական աղբյուրներից պարզեց, որ 2025 թվականի ընթացքում նախաքննական մարմինները դատարաններին ներկայացրել են ընդհանուր 28 451 միջնորդություն՝ քննչական գործողություններ իրականացնելու համար: Դատարանները մերժել են դրանցից 3830-ը, միջնորդ 22 084-ը բավարարվել են:

Առանձնապես ուշադրության է արժանի մարդկանց բնակարանային խուզարկությունների վիճակագրությունը:

Ուշադրություն՝ 2025 թվականին բնակարաններում խուզարկություն եւ առգրավում իրականացնելու նպատակով ներկայացվել է 10 394 միջնորդություն, որոնց մեծ մասը բավարարվել է, շատ փոքր տոկոսը՝ մերժվել: Այսպիսով՝

- 8176 բնակարան խուզարկվել է,
- 1661-ի դեպքում դատարանը մերժել է: Այս թվերը վկայում են այն մասին, որ դատարանները գերակշռող դեպքերում թույլատրում են բնակարանային խուզարկությունները, ինչը նշանակում է՝ հազարավոր քաղաքացիների անձնական տարածք ներխուժում է իրականացվում իրավական գործընթացների շրջանակում:

Համեմատության համար նշենք, որ՝

- 2024 թվականին ներկայացվել է շուրջ 7800 միջնորդություն, որոնցից 6275-ը բավարարվել են,
- 2023 թվականին՝ 9764 միջնորդություն, որոնցից 8168-ը բավարարվել են:

Այսպիսով, 2025 թվականին արձանագրվել է բնակարանային խուզարկությունների զգալի աճ՝ ընդհանուր թվով, թե՛ դատարանների կողմից դրանց բավարարումների բարձր մակարդակով:

Բնակարանային խուզարկությունը հանդիսանում է քրեական դատավարության ամենախիստ միջամտություններից մեկը, քանի որ այն ուղղակիորեն առնչվում է անձի անձնական կյանքի եւ բնակարանի անձեռնմխելիության իրավունքին:

Թեեւ նման միջամտությունները կարող են լինել օրինական եւ անհրաժեշտ՝ հանցագործությունների բացահայտման նպատակով, վիճակագրական տվյալները ցույց են տալիս, որ դրանց կիրառումը դառնում է լայնածավալ եւ համակարգային:

Բնակարանային խուզարկությունների աճը Հայաստանում վկայում է քրեական հետապնդման գործիքների ակտիվ կիրառման մասին, սակայն միաժամանակ առաջացնում է լուրջ հարցեր անձնական կյանքի իրավունքի պաշտպանության տեսանկյունից:

Ասել է թե՛ զգուշացրե՛ք՝ քննչականը ձեր տուն կգա՝ խուզարկելու: Միշտ եղեք զգոն, պատրաստ եւ, ամենակարևորը, հագնված: Քանի որ եղել են նաեւ դեպքեր՝ օրինակ՝ Գյումրիում, երբ գիշերազգեստով տիկնոջը տարել էին քննչական:

Ք. ՍԱՆՈՒԿՅԱՆ

ԲԱՑԱՔԱՅՏԵԼ ԵՆ

Համայնքային ոստիկանության Մաշտոցի բաժնի ծառայողները, իրացնելով օպերատիվ տեղեկությունները, Մարգարյան փողոցի 2-րդ կրթական հայտնաբերել, թմրամիջոց ձեռք բերելու, պահելու եւ օգտագործելու կասկածանքով ձերբակալել են բաժնի են տեղափոխել 37-ամյա մի տղամարդու: Նրա անձնական խուզարկությամբ հայտնաբերվել են մեթամֆետամին տեսակի թմրամիջոցի նմանվող զանգվածով երկու փաթեթ, մոխրացած հետքերով կաթոցիչներ, ներարկիչներ: Կազմված փաստաթղթերը ներկայացվել են նախաքննական մարմին:

Թմրամիջոցի ապօրինի շրջանառության հաջորդ դեպքը բացահայտել են Համայնքային ոստիկանության Հրազդանի բաժնի ծառայողները: Իրացնելով օպերատիվ տեղեկությունները՝ նրանք Հրազդան քաղաքի Անդրանիկ Ջորավարի փողոցում հայտնաբերել, թմրամիջոց պահելու կասկածանքով ձերբակալել են բաժնի են տարել երկու երիտասարդի, որոնցից մեկը ձերբակալման ժամանակ գրպանից փաթեթ է նետել ծառի տակ: Նրանք կազմված փաստաթղթերի հետ ներկայացվել են նախաքննական մարմին:

Նախաձեռնված քրեական վարույթի շրջանակում կատարված զննությամբ դեպքի վայրում հայտնաբերվել է ընդհանուր 7,4 գրամ թմրամիջոցի նմանվող զանգվածով երկու փաթեթ:

Հրազդան քաղաքի բնակիչ երիտասարդները տեղափոխվել են ձերբակալվածների պահման վայր: Կատարվում է նախաքննություն:

ԼՈՒՐԵՐ

ՀՈՂԱՄԱՍԸ ՎԵՐԱԳԱՐՉՎԵՑ ՀԱՄԱՅՆՔԻՆ

Գլխավոր դատախազությունը 2025 թվականի մարտի 11-ին հայցադիմում էր ներկայացրել Հակակոռուպցիոն դատարան՝ ընդդեմ ֆիզիկական անձի, երրորդ անձ՝ Տավուշի մարզի Իջեւան համայնքի՝ Իջեւանի Թատերական փողոց թիվ 18/2 հասցեում գտնվող՝ 0.0012 հա մակերեսով հողամասի նկատմամբ ֆիզիկական անձի կառուցապատման իրավունքը դադարեցնելու պահանջով:

Հակակոռուպցիոն դատարանի՝ 2026 թվականի փետրվարի 24-ի վճռով բավարարվել է Գլխավոր դատախազության հայցը: Վճռով կառուցապատման Իջեւանի Թատերական փողոց 18/2 հասցեում գտնվող հողամասի նկատմամբ ֆիզիկական անձի կառուցապատման իրավունքը:

Հակակոռուպցիոն դատարանի վճիռը ստացել է օրինական ուժ:

Գլխավոր դատախազության դիմումի հիման վրա՝ Կադաստրի կոմիտեն 2026 թվականի ապրիլի 21-ին դադարեցրել է հողամասի նկատմամբ ֆիզիկական անձի կառուցապատման իրավունքը, հողամասը վերադարձվել է Իջեւան համայնքին:

ՆԱԽԱՔՆՆՈՒԹՅՈՒՆՆ ԱՎԱՐՏՎԵԼ Է

ՀՀ քննչական կոմիտեի Երեւան քաղաքի քննչական վարչությունում ավարտվել է Մ.Ս.-ի կողմից խուլիգանություն կատարելու դեպքի առթիվ նախաձեռնված քրեական վարույթի նախաքննությունը:

Նախաքննության ընթացքում պարզվել է, որ 2026 թվականի մարտի 27-ին Մ.Ս.-ն Երեւան քաղաքի Դեմիրճյան փողոցի 1/1 հասցեի մոտ իրականացրել է խուլիգանական գործողություններ, մասնավորապես՝ հասարակության նկատմամբ բացահայտ անհարգալից եւ բարոյական նորմերի նկատմամբ բացահայտ արհամարհական վերաբերմունք դրսևորելով՝ հայիոյանք եւ անպարկեշտ արտահայտություններ է հնչեցրել:

Մ.Ս.-ի նկատմամբ հարուցվել է հանրային քրեական հետապնդում՝ Քրեական օրենսգրքի 297-րդ հոդվածի 2-րդ մասի 3-րդ կետով (խուլիգանությունը, որը կատարվել է տեղեկատվական կամ հաղորդակցական տեխնոլոգիաներն օգտագործելով):

Նրա նկատմամբ որպես խափանման միջոց կիրառվել է վարչական հսկողությունը եւ բացակայելու արգելքը:

Քրեական վարույթը մեղադրական եզրակացությամբ ուղարկվել է հսկող դատախազին՝ այն հաստատելու եւ քննության առնելու համար դատարան ուղարկելու միջնորդությամբ:

Շանուցում. հանցագործության համար մեղադրվողը համարվում է անմեղ, քանի դեռ նրա մեղավորությունն ապացուցված չէ Քրեական դատավարության օրենսգրքով սահմանված կարգով դատարանի օրինական ուժի մեջ մտած դատավճռով:

● Ըստ վիճակագրության՝ ապրիլի 13-ից 20-ը մայրաքաղաքում հայտնաբերվել է ոչ սթափ 176 վարորդ:

ՍԱՐՁ

ԳԱԶԻ ԶՅՈՒՂԱՎՈՐՈՒՄՆԵՐ ԵՆ ԱՆՑԱՏՅՈՒՄ

2024թ. Նոյեմբերից Կիրակն Երևանի հարակից Աճարկուտ գյուղերը գազաֆիկացված են, սակայն այդ գյուղերի առանձնատներ գազատարից ճյուղավորումներ չեն արվել: Հիմա ԱԺ ընտրությունների շեմին, սայլը տեղից շարժվել է: Կիրակնի վարչական ղեկավար Կամր Շահինյանն ասաց, որ սկսվել է գյուղում գազատարից ճյուղավորումների անցկացումը դեպի այն առանձնատներ, որոնք համար առկա են գազաֆիկացման նախագծեր: Ներկայումս Կիրակնում ոչ մի բնակիչ չի օգտվում երկնագույն վառելիքից: Կիրակնի հարեան Աճարկուտ գյուղի վարչական ղեկավար Աշոտ Հարությունյանը հայտնեց, որ գյուղը գազաֆիկացված է, սակայն գյուղի տները գազաֆիկացված չեն, այդ աշխատանքները ներկայումս չեն արվում, թեև դրա նախագծային աշխատանքներն արված են: Սահմանամերձ Բերքաբեր գյուղի 150 տներից մոտ 35-ը ներկայումս գազաֆիկացված է: Բերքաբեր բնակավայրի վարչական ղեկավար Տիգրան Հարությունյանը հայտնեց, որ պետությունը ու «Վարդանյան Ոստանիք» բարեգործական հիմնադրամի համաֆինանսավորմամբ է գյուղը գազաֆիկացվել, իսկ առանձնատներ գազի ճյուղավորումներ անցկացվում են Իջևան համայնքի միջոցներով: Նոյեմբերյան համայնքի սահմանամերձ Բարեկամական գյուղ տարիներ առաջ է բնական գազ տարվել, սակայն մայր գազատարից ճյուղավորումներ չեն անցկացվել, բնական գազի ոչ մի բաժանորդ չկա: 2025թ. սեպտեմբերի 16-ին Տավուշի մարզպետ Հայկ Ղալումյանին հարցում են արել, թե Բարեկամական տներ երբ է գազի ճյուղավորումներ անցկացվելու, մարզպետի աշխատակազմից պատասխանել են. «Նոյեմբերյան համայնքի Բարեկամական բնակավայրի՝ դեպի անհատական բնակելի տներ գազաֆիկացումն իրականացված է»: Սակայն իրականությունն այն է, որ Բարեկամականի առանձնատներ գազաֆիկացում չի արվել, բնական գազի բաժանորդներ չկան: 2026թ. մարտի 17-ին մարզպետ Ղալումյանին նոր հարցում են արել, թե ում միջոցներով է արվել Բարեկամականի տների գազաֆիկացումը: Մարզպետարանից հայտնել են. «Նոյեմբերյան համայնքի Բարեկամական բնակավայրի՝ դեպի անհատական բնակելի տների գազաֆիկացումն իրականացվել է «Վարդանյան Ոստանիք» բարեգործական հիմնադրամի միջոցներով»: Բարեկամականի վարչական ղեկավար Գարիկ Աբազյանից տեղեկացա, որ 2025թ.-ին Վարդանյանների բարեգործությամբ Բարեկամականի առանձնատների (որոնք ներկայումս բնակեցված են) 70 տոկոսը գազի ճյուղավորումներ են անցկացվել, գործարար Միքայել Վարդանյանը 2025թ. աշխատանքը Տավուշի մարզպետարանում հայտնել է, որ ինքը պատրաստ է Բարեկամականի մնացած 30 տոկոս տները գազի ճյուղավորումներ անցկացնելու համար պահանջվող գումարը վճարել, սակայն մինչև հիմա այդ տների ցանկը մարզպետարանից նրան չի փոխանցվել, որպեսզի ֆինանսավորում իրականացվի եւ գործն արվի:

ՈՍԿԱՆ ՍԱՐԳՅԱՆ

ԲԱՆՏԻՑ

ՌՈՒԲԵՆ ՎԱՐԴԱՆՅԱՆԸ ԴԻՄԵԼ Է ՀՀ ՄԻՊ-ԻՆ

Բավում գերության մեջ գտնվող Ռուբեն Վարդանյանը դիմում է ՀՀ ՄԻՊ Անահիտ Մանասյանին:

«Հարգելի տիկին Մանասյան, Ձեզ եմ դիմում բանտից՝ հաշվի առնելով մի շարք հանգամանքներ, որոնք կարծում եմ պահանջում են Ձեր ղեկավարած հաստատության ակտիվ եւ հետեւողական ներգրավվածությունը:

Վերջերս հանդիպել եմ Ադրբեջանի օմբուդսմեն Սաբինա Ալիեյալի հետ: Հանդիպման ընթացքում բարձրացրել եմ կենցաղային, բժշկական, իրավական, մարդասիրական եւ դիվանագիտական մի շարք կոնկրետ հարցեր, որոնք վերաբերել են իմ եւ մյուս հայ բանտարկյալների պահման պայմաններին: Այդ հարցերն ուղիղ ազդում են կալանքի տակ գտնվողների անվտանգության, առողջության եւ արժանապատվության վրա: Մեր գրույցի ընթացքում Ադրբեջանի օմբուդսմենը նշել է, որ Ձեզ հետ արդեն քննարկել է Բաքու այցելելու հնարավորությունը, եւ ադրբեջանական կողմը պատրաստակամություն է հայտնել նպաստել դրա կազմակերպմանը: Սակայն այս նախաձեռնությունը դեռեւս չի իրականացվել:

ՀՀ քաղաքացիները երկար ժամանակ պահվում են ադրբեջանական բանտերում՝ առանց ընտանիքի անդամների հետ հանդիպումների եւ անկախ մոնիթորինգի, այդ թվում՝ Կարմիր Խաչի միջազգային կոմիտեի կողմից: Այս պայմաններում, ՀՀ քաղաքացիների իրավունքների պաշտպանության համար պատասխանատու հաստատությունը որեւէ նախաձեռնողականություն չի ցուցաբերում:

Չնայած երկրների միջև դիվանագիտական հարաբերությունների բացակայությանը՝ ընթանում են բանակցություններ տնտեսական հարցերի շուրջ՝ Բաքվում ՀՀ ներկայացուցիչների մասնակցությամբ: Ուստի ինչո՞ւ կալանավորների կյանքի, առողջության եւ իրավունքների հարցերը պաշտոնական երեսանի օրակարգում չեն, եւ ինչո՞ւ պատվիրակության անդամներից ոչ մեկը չի այցելել գերիներին:

Հաշվի առնելով վերը նշվածը՝ խնդրում եմ դիտարկել Ձեր, ինչպես նաեւ, համապատասխան պայմանների



դեպքում, մյուս հայ բանտարկյալների հարազատների՝ Բաքու այցելելու հնարավորությունը: Իմ կինը՝ Վերոնիկա Ջոնաթանյանը, պատրաստ է մասնակցել այդպիսի նախաձեռնությանը եւ այցելել Բաքու: Հավանաբար մյուս բանտարկյալների ընտանիքների անդամները եւս պատրաստ կլինեն: Այդպիսի պատվիրակությունը պետք է լինի ինստիտուցիոնալ եւ հետեւողական՝ ունենալով ՀՀ վարչապետի քաղաքական աջակցությունը, որը հաշվետու է քաղաքացիների առջեւ:

Ադրբեջանի օմբուդսմենի առաջ իմ բարձրացրած հարցերը պահանջում են համակարգում երկու երկրների օմբուդսմենների միջև: Նման համակարգման բացակայությունը փաստացի փակում է մարդասիրական միակ խողովակը:

Այս առումով խնդրում եմ Ձեզ իրապարակապ պատասխանել հետեւյալ հարցերին.

1. Արդյո՞ք քննարկվում է Բաքու պաշտոնական պատվիրակության այց

կազմակերպելու հնարավորությունը հայ գերիների հարազատների մասնակցությամբ:

2. Ինչպե՞ս է ձեր հաստատությունը պլանավորում համակարգել աշխատանքները Ադրբեջանի օմբուդսմենի հետ՝ ՀՀ քաղաքացիներին վերաբերող մարդասիրական հարցերի շուրջ:

3. Ձերբակալության պահից սկսած Ձեր ղեկավարած հաստատությունն ի՞նչ միջոցներ է ձեռնարկել հայ գերիների իրավունքները պաշտպանելու համար:

Կարծում եմ, որ ստեղծված իրավիճակում չափազանց կարեւոր է անհապաղ գործարկել մարդասիրական եւ իրավական բոլոր հնարավոր մեխանիզմները: Ադրբեջանում անօրինական կերպով կալանավորված ՀՀ քաղաքացիների շահերի անտեսումը ՀՀ կառավարության կողմից անհամատեղելի է սեփական քաղաքացիների նկատմամբ պետության պարտավորությունների հետ»:

ԻՆՉՈՒ ԵՔ ԼՈՒՈՒ

«Լուսավոր Հայաստան» կուսակցության նախագահ, ՀՀ հատուկ հանձնարարություններով նախկին դեսպան Էդմոն Մարոնյանի տեղագրման գրառումը:

«Ինչպես հայտնում են Արցախի գերսաշրջության եւ մշակույթի զարգացման գործակալությունից՝ Ստեփանակերտում ոչնչացվել է Սուրբ Աստվածամոր Հովանու եկեղեցին: Մի քանի օր առաջ էլ ադրբեջանցիները քանդել էին Նույն Ստեփանակերտ քաղաքի Հեքիմյան փողոցում գտնվող Սուրբ Հակոբ եկեղեցին: Այս գործողություններով Ադրբեջանը ցույց է տալիս, թե ինչպես է վերաբերվում Հայաստանի հետ նախաստորագրված փաստաթղթին, ՀՀ իշխանություններին եւ, ընդհանրապես, հայ ժողովրդին, որը, ըստ իշխանությունների, անհամբեր սպասում է Ադրբեջանի հետ մաշտաբային առեւտրին:

Միեւնույն ժամանակ, երբ իսրայելցի զինվորը Լիբանանի տարածքում կոտրել էր Հիսուս Զրիստոսի արձանը, եւ այդ լու-



սանկարը տարածվեց, Իսրայելի բոլոր պաշտոնյաները ներողություն խնդրեցին

քրիստոնյա աշխարհից, քանի որ հարցի մասին բարձրաձայնվեց ինչպես քրիստոնյա պետությունների, այնպես էլ Լիբանանի կողմից, որի բնակչության մոտ 35-40 տոկոսն է քրիստոնյա:

Իսկ ՀՀ իշխանությունները՝ արտգործնախարարությունը, Անվտանգության խորհրդի քարտուղարը, քաղաքացիական հասարակության ներկայացուցիչները, որոնք բաց բերանով գնում են Բաքու եւ Նույն կերպ ժպիտներով վերադառնում, ոչ չինչ չեն ասում այս ամենի վերաբերյալ: Ամոթ ձեզ: Հայկական քրիստոնեական մշակույթը ոչնչացվում է պետական մակարդակում, ինչո՞ւ եք լռում: Լավ իմացե՞ք՝ եթե մեր երկրում որոշում կայացնողները չփոխվեն, այս ուրացման քաղաքականությունը անպատիժ չի մնալու, եւ ադրբեջանական վանդալիզմը շարունակելու է ծավալվել արդեն այսօրվա Հայաստանի տարածքում: Հունիսի 7-ին այդ արհավիրքը կանգնեցնելու շանս ունենք»:

● Ապրիլի 13-ից 20-ը մայրաքաղաք Երեւանում հայտնաբերվել է չամրակապված վարելու 673 դեպք:

ՍՈՑԻԱԼԱԿԱՆ

ՊԵՏՔ Է ՀԱՎԱԳՐԻ

ԱՐՄԱՆ ԹԱԹՈՅԱՆԸ ԳԻՄԵԼ Է ԵՄ ԳԵՄՊԱՆԻՆ

«Եվրամիությունը, որը հայտարարել է ՀՀ ընտրություններում ռուսական ազդեցությանը հակազդելու պատրաստակամության մասին, պետք է նույն կերպ արձագանքի նաեւ Ադրբեջանից եկող սպառնալիքներին»:

Այս մասին Հայաստանում Եվրոպական միության պատվիրակության ղեկավար, դեսպան Վասիլիս Մարագոսին ուղղված նամակում գրել է «Միասնության թեւեր» կուսակցության վարչապետի թեկնածու Արման Թաթոյանը:

Վերջինս ներկայացրել է փաստեր, որոնք, ըստ նրա, վկայում են Ադրբեջանից հնչող ուղիղ եւ քողարկված սպառնալիքների մասին՝ կապված Հայաստանում հնարավոր իշխանափոխության հետ:

«Փաստագրված դեպքերի թվում են հետեւյալները. Ադրբեջանի իշխող կուսակցության մի պատգամավոր հանդես է եկել հրապարակային հայտարարությամբ՝ զգուշացնելով, որ Հայաստանում ընդդիմության հաղթանակը կարող է դրդել Ադրբեջանին պաշտոնապես տարածքային պահանջներ ներկայացնել Հայաստանի նկատմամբ: Ադրբեջանի նախագահի վարչակազմի վերահսկողության տակ գտնվող թերթը նշել է, որ Հայաստանում «ռեւանջիստական» կառավարությունը «կառավարելու ոչինչ չի ունենա», իսկ պաշտպանության նախարարության վերահսկողության տակ գտնվող լրատվամիջոցը հայտարարել է, որ «հատկապես կարել է», որպէսզի իշխանությունը Հայաստանում մա այն ուժերի ձեռքում, որոնք համահունչ են Ադրբեջանի ռազմավարական նպատակներին:

Այս հայտարարությունները, միասին վերցված, ներկայացնում են Բաքվում պետական իշխանություն ներկայացնող դերակատարների համակարգված փորձ՝ ահաբեկելու միջոցով ազդել Հայաստանի ընտրությունների արդյունքների վրա»,- նշված է նամակում:

Արման Թաթոյանը կոչ է արել ԵՄ առաքելությանը Հայաստանում՝

1) հրապարակայնորեն դատապարտել նշված հայտարարությունները եւ արձանագրել այս միջամտության առկայությունը՝ որպէս Հայաստանի ընտրական գործընթացի վրա դրսից ազդելու հակաիրավական եւ անընդունելի փորձեր:

2) ընդլայնել այն մեխանիզմները, որոնք նրանք օգտագործում են, ինչպէս նշել է ԵՄ-ն, ռուսական ապատեղեկատվությանը հակազդելու համար: Ներառել նաեւ ադրբեջանական միջամտության փորձերի բացահայտումը, հրապարակումը եւ հակազդումը՝ թափանցիկ եւ հետեւողական ձեւով:

Նա նաեւ ընդգծել է, որ արտաքին միջամտության դեմ պայքարը չի կարող լինել ընտրովի եւ պետք է իրականացվի անկախ դրա աղբյուրից: (Գ)

ԱԿԲԱ ԲԱՆԿ

ՀԱՄԱԳՈՐԾԱԿՑՈՒԹՅՈՒՆ ԵՆ ՄԵԿՆԱՐԿԵԼ

Ակբա բանկն ընդլայնում է միջազգային գործընկերային ցանցը՝ համագործակցություն սկսելով աշխարհի հեղինակավոր ֆինանսական կառույցներից մեկի՝ Նյու Յորքի Մելոն բանկի հետ (The Bank of New York Mellon):

Ակբա բանկի եւ BNY Mellon-ի համագործակցությունը ծառայությունների մատուցման, ներմուծման կամ արտահանման գործընթացում հավելյալ հնարավորություն է ստեղծում հատկապես իրավաբանական անձ հաճախորդների համար, որի արդյունքում հաճախորդները կարող են ԱՄՆ դոլարով փոխանցումներ կատարել ավելի շատ ապրանքատեսակների եւ/կամ ծառայությունների համար:

Միաժամանակ, ֆիզիկական անձ հաճախորդները նույնպես ստանում են առավել մեծ հնարավորություն՝ ԱՄՆ դոլարով փոխանցումներ իրականացնելու համար:

Համագործակցության շրջանակում հաճախորդներն այսուհետ կարող են Ակբա բանկի միջոցով ԱՄՆ դոլարով միջազգային փոխանցումներ կատարել նաեւ տրանսպորտային միջոցների, էլեկտրատեխնիկայի (համակարգիչներ, պրոցեսորներ, մոնիտորներ, բջջային հեռախոսներ եւ այլն), փայտանյութի, ինչպէս նաեւ նավթամթերքի ձեռքբերման համար:

Ակբա բանկը BNY Mellon-ի հետ համագործակցությամբ կնպաստի Հայաստանում հատկապես արտահանմամբ կամ ներմուծմամբ զբաղվող կազմակերպությունների զարգացմանը: Միաժամանակ, այս համագործակցությունը կխթանի նաեւ Հայաստանում գործող բիզնեսների ընդլայնմանն ու միջազգային շուկաներում արդյունավետության բարձրացմանը:



Նույն հատկապես արտահանմամբ կամ ներմուծմամբ զբաղվող կազմակերպությունների զարգացմանը: Միաժամանակ, այս համագործակցությունը կխթանի նաեւ Հայաստանում գործող բիզնեսների ընդլայնմանն ու միջազգային շուկաներում արդյունավետության բարձրացմանը:

BNY Mellon-ի հետ մեկնարկած համագործակցության շրջանակում հաճախորդները կարող են փոխանցումներ կատարել եւ acba digital-ով, եւ բանկի ցանկացած մասնաճյուղի միջոցով:

Բանկը վերահսկվում է ՀՀ ԿԲ կողմից

ԲԱՆԿԵՐ

ՎԵՐԱԲԵՆԳԱՎՈՐԵԼ Է ՄԱՍՆԱՃՅՈՒՂԸ



Ֆասթ Բանկը վերաբեռնվել է Տիգրան Մեծ պողոտայում գործող մասնաճյուղը: Այսուհետ Ֆասթ Բանկի հաճախորդները կսպասարկվեն հիմնովին արդիականացված, ընդարձակ, ժամանակակից դիզայնի լուծումներով հագեցած սրահում, որը վերագինվել է նորարարական տեխնիկայով: Վերաբեռնված իրականացվել է միջազգային բոլոր չափանիշներին համապատասխան առաջարկելով բանկային ծառայությունների ամբողջական փաթեթ՝ արագ, պարզ եւ արդյունավետ ձեւաչափով:

Ֆասթ Բանկի Տիգրան Մեծ մասնաճյուղի կառավարիչ Գրիգոր Հակոբյանն ասել է. «Ուրախությամբ տեղեկացնում եմ, որ մենք տեղափոխվել ենք Տիգրան Մեծ պողոտայում ավելի հարմարավետ, ավելի ընդարձակ ու արդի չափանիշներին համապատասխան տեխնիկական միջոցներով զարգացած մասնաճյուղ»:

Ֆասթ Բանկի պրոֆեսիոնալ թիմը պատրաստ է արագ լուծումներ գտնել

յուրաքանչյուր հաճախորդի կարիքներին համապատասխան: Մասնաճյուղում կան նաեւ ինքնասպասարկման արդի գործիքներ, որոնք ավելի են պարզեցնում բանկին գործընթացը: Մասնաճյուղը գործելու է 24/7 աշխատանքային ռեժիմով:

Ֆասթ Բանկը շարունակում է մասնաճյուղերի արդիականացումը՝ ընթացքում մեծացնելով դրանց քանակը: Նախորդ տարի Բանկը բացել է 4 նոր մասնաճյուղ եւ վերաբեռնվել 10-ը:

Ֆասթ Բանկը թվային բանկ դառնալուն միտված ընկերություն է, որը ներկայացված է Երեւանում եւ Հայաստանի բոլոր մարզերում:

Ֆասթ Բանկը վերահսկվում է ՀՀ Կենտրոնական բանկի կողմից (Գ)

ՅՈՒՆԻԲԱՆԿԸ ԹՈՂԱՐԿԵԼ Է

Յունիբանկը հայտարարում է 5 մլն ԱՄՆ դոլար ծավալով դոլարային պարտատոմսերի նոր թողարկման մասին: Պարտատոմսերի արժեկտրոնի տոկոսադրույքը կազմում է 5.6% տարեկան,

որը կվճարվի եռամսյակային պարբերականությամբ:

Պարտատոմսերի անվանական արժեքը կազմում է 100 ԱՄՆ դոլար, ձեռքբերման նվազագույն քանակը՝ 10 հատ, իսկ ծավալը՝ 1 000 ԱՄՆ դոլար: Շրջանառության ժամկետը սահմանվել է 36 ամիս:

ԱՄՆ դոլարով պարտատոմսերը կարելի է ձեռք բերել Յունիբանկի ցանկացած մասնաճյուղում: Թողարկման տեղաբաշխումը նախատեսվում է ավարտել մինչեւ 29.06.2026թ., որից հետո պարտատոմսերը կցուցակվեն AMX Հայաստանի ֆոնդային բորսայում:

Բանկի կողմից թողարկված անվանական արժեկտրոնային պարտատոմսերով ներգրավված դրամական միջոցները երաշխավորված են Ավանդների հատուցումը երաշխավորող հիմնադրամի կողմից «Ֆիզիկական անձանց բանկային ավանդների հատուցումը երաշխավորելու մասին» ՀՀ օրենքով սահմանված չափով, կարգով եւ պայմաններով:

Ծրագրային ազդագիրը (գրանցված 08.04.2026թ. թիվ 1/156 Ա որոշմամբ) եւ թողարկման վերջնական պայմանները հրապարակված են [www.unibank.am](http://www.unibank.am) կայքում: (Գ)

Advertisement for Unibank offering a 5.6% interest rate on deposits for 36 months. Includes image of a money printer and UNIBANK logo.

«Վոլովորդ» օրաթերթում եւ ArmLur.am կայքում գովազդ, հայտարարություն, հաշվետվություն, ծանուցում տեղադրելու համար զանգահարել 094-455-456 հեռախոսահամարով:

ՄՇԱԿՈՒՅՑ

ՔՆՆԱԴԱՏԵԼ ԵՆ

ՀԱԶԱՐԱՎՈՐ ԴՈՒԱՐՆԵՐ ԵՆ ՎՃԱՐԵԼ

NYP-ն հաղորդում է, որ ինՖլյուենսերները, որոնք երազում էին փայլել Coachella Valley Music and Arts փառատոնում...



Սոցիալական ցանցերի օգտատերերը անզուսպ են գտնվել: Տեսանյութի տակ մեկ-և-կես րոպեում տատանվում են՝ սարկաստիկից մինչև խիստ քննադատական:

- «Սա լրիվ սարսափ է»:
• «ՐՎ է ընդհանրապես վճարում դրա համար»:
• «Սա նման է կատակի»:
• «Վերադարձրեք ինձ փողս»:

Ոմանք նույնիսկ առաջարկել են «դատի տալ բարոյական վնասի համար»:

Նմանատիպ իրավիճակ էր ստեղծվել նաև այլ ինֆլուենսերների, այդ թվում՝ բլոգերներ Ադիայի և Դարսիի հետ, որոնք նույնպես ցուցադրել են «պրոֆեսիոնալ ոճաբանների» արդյունքները...


քննադատության ալիքի: Այս դեպքերում լսարանը կերպարները համեմատել է կառնավալային զգեստների և մանկական ոճի հետ...

Coachella-ի ոճաբանների շուրջ պատմությունը արագորեն վերածվել է վիրուսային սկանդալի՝ առաջ քաշելով այն հարցը...

Coachella-ի ոճաբանների շուրջ պատմությունը արագորեն վերածվել է վիրուսային սկանդալի՝ առաջ քաշելով այն հարցը, թե արդյոք ինֆլուենսերներն, իսկապես, ստանում են մասնագիտական ծառայություններ...

ՄԱՐԶԱԿԱՆ

«ԿԱՐՈՂ ԷՐ ՉԵՄՊԻՈՆ ԴԱՌՆԱԼ»




Ալեքսանդրա Գրիգորյանը 2-րդ տարին անընդմեջ ծանրամարտի Եվրոպայի առաջնության արծաթե մեդալակիր է դարձել: Նա մինչև 58 կգ քաշային կարգում երկամարտի 210 կգ արդյունքով է կանգնել պատվոհարթակի 2-րդ աստիճանին:

ԿՄԵԿՆԱՐԿԻ 34-ՐԴ ՏՈՒՐԸ

Ֆուտբոլի Անգլիայի Պրեմիեր լիգայի առաջնությունում ապրիլի 21-ին «Բրայթոն» - «Չելսի» մրցախաղով մեկնարկելու էր 34-րդ տուրը: Առաջատարը փոխչեմպիոն «Արսենալ» է, որը վաստակել է 70 միավոր:

ԱՇՏԱՐՅ

ՔՐԻՍՏԻՆԱ ԱԳԻԼԵՐԱՆ ՑՆՑԵԼ Է



Քրիստինա Ագիլերան դարձել է Breakthrough Prize մրցանակաբաշխության ամենաշատ քննարկվող հյուրերից մեկը՝ կարմիր գորգին հայտնվելով աչքի ընկնող կերպարով...

45-ամյա երգչուհին Սանտա Մոնիկայում դուրս է եկել սեւ կաշվե զգեստով՝ խորը դեկոլտեով և մարմնին հարմար ուրվագիծով...

լիորեն փոխակերպված կազմվածքը: Ըստ լրատվամիջոցների հաղորդագրությունների՝ վերջին տարիներին արտիստուհին կորցրել է մոտ 25 կգ, ինչը դարձել է երեկոյի հիմնական զրույցներից մեկը:

Համացանցում երկրպագուները կրկին հարցեր են բարձրացրել նրա տեսքը փոխակերպելու հնարավոր մեթոդների վերաբերյալ, բայց Ագիլերան երբեք հրապարակալորեն չի հաստատել քաշի կորստի համար որեւէ դեղամիջոց օգտագործելը:

Համացանցում երկրպագուները կրկին հարցեր են բարձրացրել նրա տեսքը փոխակերպելու հնարավոր մեթոդների վերաբերյալ, բայց Ագիլերան երբեք հրապարակալորեն չի հաստատել քաշի կորստի համար որեւէ դեղամիջոց օգտագործելը:

Breakthrough Prize մրցանակաբաշխությունը, որը հաճախ անվանում են «Գիտության Օսկար», ամեն տարի միավորում է շուրջ 20-30-ամյա աստղերին և աշխարհի առաջատար գիտնականներին: Միջոցառումը մեծարում է այն հետազոտողներին, որոնք հայտնագործությունները ազդեցություն են ունեցել գիտության և տեխնոլոգիայի զարգացման վրա:

ՎԵՐԱԳԱՐՉԵԼ ԵՆ

Նիկոլ Քիդմանի և Սանդրա Բուլոքի երկրպագուները ոգետրված են «Գործական մոգություն 2»-ի առաջին թիզերի թողարկումից հետո: «Անհավատալի է,

խորհրդանշական միտիկ զույգը կրկին միասին է... վերջապես», - գրել է X-ում մի երկրպագու: Մեկ այլ երկրպագու ավելացրել է. «Նրանք հիմա նույնիսկ ավելի լավ տեսք ունեն, քան առաջին ֆիլմում»:

Որոշ հեռուստադիտողներ զարմացած են, թե որքան երիտասարդ տեսք ունեն դերասանուհիները: «Նրանք գրեթե անփոփոխ տեսք ունեն առաջին ֆիլմից գրեթե 30 տարի առաջ: Արդյո՞ք դա արհեստական բանակառուցում է», - հարցրել է օգտատերերից մեկը: Քիդմանը և Բուլոքը կրկին մարմնավորում են իրենց կերպարներին՝ քույրեր Սալիին և Ջիլիանին:

Երկրորդ ֆիլմում նկարահանվել են նաև Դիան Վիստը, Ստոկարդ Չենինգը, Ջոի Քինգը, Մեյսի Ուիլյամսը, Շուր Մարիդոնյան և Սոլի ՄաքԼեոդը: Պրեմիերան նախատեսված է 2026 թվականի սեպտեմբերին: Ծարունակության սյուժեն պատմում է քույրերի մասին, որոնք ծնողների մահից հետո տեղափոխվում են իրենց հարազատների մոտ: Աղջիկները բախվում են մեծանալու դժվարություններին, փոքր քաղաքի նախապաշարմունքներին և ընտանեկան անեծքին, որը խանգարում է նրանց գտնել իրական սերը:

1998 թվականի բնօրինակ ֆիլմը ռոմանտիկ միտիկ կատակերգություն էր կախարդական ուժեր ունեցող քույրերի մասին, որոնք դաստիարակել են իրենց էքսցենտրիկ մորաքույրերը:

● Ա. Սպենդիարյանի անվան օպերայի և բալետի ազգային ակադեմիական թատրոնում ապրիլի 23-ին՝ ժամը 19:00-ին, կկայանա «Դիմակահանդես» բալետը:



ԿԱՐԳ

**ՀԱՐՑ. Արդյո՞ք ՀՀ արդարադատության նախարարությունն իրականացնում է քաղաքացիների ընդունելություն:**

*Նարե Գաբրիելյան, 28 տարեկան*

**ՊԱՏԱՍԽԱՆ.** Յուրաքանչյուր ամիս 33 արդարադատության նախարարի մոտ տեղի է ունենում քաղաքացիների ընդունելություն, որի ընթացքում նախարարը քննարկում է քաղաքացիների դիմումները, բողոքները, առաջարկությունները եւ այլ հարցեր:

Յուրաքանչյուր քաղաքացու հատկացվում է 10 րոպե ժամանակ, որը լրանալուն պես վերջինիս ընդունելությունն ավարտվում է:

Ընդունելությանը հերթագրվելու համար անհրաժեշտ է նախապես խնդրի վերաբերյալ գրավոր դիմում ներկայացնել՝ նշելով խնդիրը եւ ընդունելության խնդրանքը: ՎԵՐՈՆՇՅԱԼ ԳՐԱՎՈՐ ԸՆԹԱՑԱԿՎՈՐԸ ՊԱՐՏԱԴԻՐ Է ԲՈԼՈՐ ԶԱՐԱՔԱՑԻՆԵՐԻ 3ԱՍԱՐ: Դիմում կարող են ներկայացնել էլեկտրոնային եղանակով՝ այն ուղարկել 33 արդարադատության նախարարության էլ. փոստի հասցեին՝ info@moj.am կամ այն թղթային տարբերակով ուղարկել 33 արդարադատության նախարարություն (Վազգեն Սարգսյան 3/8):

Եթե գրավոր դիմումում նշված հանգամանքների ուսումնասիրությամբ պարզվում է, որ քաղաքացին ենթակա է ընդունելության ներկայանալու, նա այդ մասին տեղեկացվում է բանավոր՝ ըստ իր տրամադրած կոնտակտային տվյալների, եթե ենթակա չէ ընդունելության ներկայանալու՝ նա այդ մասին տեղեկացվում է գրավոր:

Անձն ընդունելության օրը պետք է ներկայանա անձը հաստատող փաստաթղթով:

Նախարարի կողմից ընթացք են տրվում միայն Արդարադատության նախարարության իրավասությանը վերաբերող խնդիրներով ընդունելություն կատարելու վերաբերյալ դիմում-բողոքներին՝ հիմք ընդունելով 33 Սահմանադրության 6-րդ հոդվածի 1-ին մասի կարգավորումը, այն է՝ պետական եւ տեղական ինքնակառավարման մարմիններն ու պաշտոնատար անձինք իրավասու են կատարելու միայն այնպիսի գործողություններ, որոնց համար լիազորված են Սահմանադրությամբ կամ օրենքներով:

Նախարարի անունից քաղաքացիների ընդունելությունն իրականացնում են նաեւ նախարարի տեղակալները:

**33 արդարադատության նախարարություն**

**«ԺՈՂՈՎՈՐԳ».** Նախարարի տեղակալների մոտ ընդունելության եկած անձանց համար կրկնակի ընդունելություն կազմակերպել հնարավոր չէ: Փոխ-նախարարների մոտ ընդունելության համար եւս գործում է նախարարի մոտ ընդունելության համար սահմանված գրավոր դիմումի վերոշարադրյալ ընթացակարգն առանց բացառությունների:

էջը՝ ՄԱՐԻԱՆԱ 3ՈՎ3ԱՆՆԻՍՅԱՆԻ

ՅԱՍԱՐԱԿՈՒԹՅՈՒՆ

**ՀԱՐՑ. Ո՞ր իրավիճակը կարող է համարվել Երեւանի բախում, եւ ի՞նչ կարող է ներառել դրանում գրադեցնող անձի մասնավոր Երեւան:**

*Մարինե 3ակոբյան, 35 տարեկան*



**ՊԱՏԱՍԽԱՆ.** Լայն իմաստով՝ շահերի բախումը պաշտոն զբաղեցնող անձի մասնավոր շահերի եւ հանրային շահի միջեւ կոնֆլիկտն է: Ազգային օրենսդրությունն անդրադառնում է շահերի բախմանը հանրային հարաբերությունների ամենատարբեր ոլորտներում եւ նախատեսում կարգավորումներ հանրային ծառայության տեսակները կարգավորող ոլորտային օրենքների, այլ իրավական ակտերի շրջանակներում:

Այդուհանդերձ, հանրային պաշտոն եւ հանրային ծառայության պաշտոն զբաղեցնող անձանց բարեվարքությանն առնչվող հարցերը, նախ եւ առաջ, կարգավորվում են «Հանրային ծառայության մասին» օրենքով, որը շահերի բախումը սահմանում է որպես իրավիճակ, երբ պաշտոն զբաղեցնող անձի մասնավոր շահերն ազդում են կամ կարող են ազդել վերջինիս պաշտոնական պարտականությունների անաչառ եւ օբյեկտիվ կատարման վրա: Իր հերթին՝ պաշտոն զբաղեցնող անձի մասնավոր շահի ներքո հասկացվում է որեւէ արտոնություն իրեն կամ իր հետ փոխկապակցված անձանց, ինչպես նաեւ այն անձանց կամ կազմակերպություններին, որոնց հետ ինքը կամ իր հետ փոխկապակցված անձն ունի գործարար, քաղաքական կամ այլ գործնական կամ անձնական հարաբերություններ:

**Կոռուպցիայի կանխարգելման հանձնաժողով**

ԼՈՒՐ ԿԱԴՐ

Լուսանկարը՝ shamshyan.com-ի



Արտակարգ դեպք Նոր Գեղի բնակավայրում. ընթացող Tesla-ում հրդեհ է բռնկվել, կրակը տեսանելի է եղել մի քանի 100 մետրից:

ԲԱԺԱՆՈՐԴԱԳՐՈՒԹՅՈՒՆ

Մեր թերթը Բաժանորդագրվելու համար կարող եք դիմել



**«Հայփոստ» ՊՓԲԸ**  
հեռ. 51-45-46, 51-45-47

**«Բլից-Մեդիա» ՍՊԸ**  
հեռ. 52-53-01

Առաքումը՝ ԱՆՎՃԱՐ:

Ձեզ հետաքրքրող ցանկացած հարցով կարող եք դիմել «Ժողովուրդ» օրաթերթի խմբագրություն (010 54-64-23 հեռախոսահամարով), եւ մենք անպայման կանդրադառնանք ձեր բարձրացրած բոլոր խնդիրներին:

ԱՌԱՋԱՐԿ  
հայկական տպագիր մամուլից

«Ժողովուրդ» օրաթերթին բաժանորդագրվելու համար կարող եք լրացնել հետեւյալ բլանկը:  
Ամեն օր թերթը կհասնի ձեր նախընտրելի վայր:

Բաժանորդագրության բլանկ

Անուն՝ \_\_\_\_\_  
Ազգանուն՝ \_\_\_\_\_  
Առաքման հասցե՝ \_\_\_\_\_  
Բջջային եւ/կամ քաղաքային հեռախոս՝ \_\_\_\_\_

ԵՂԱՆԱԿԻ ՏԵՍՈՒԹՅՈՒՆ



☾	Շիրակ	0 - 4 +10 + 15
☾	Կոտայքի լեռներ	0 - 3 +10 + 14
☾	Կոտայքի նախալեռներ	+2 + 5 +13 + 16
☾	Գեղարքունիք	-3 + 1 +8 + 13
☾	Լոռի	-1 + 3 +14 + 17
☾	Տավուշ	-1 + 2 +15 + 18
☾	Արագածոտնի լեռներ	0 - 4 +8 + 12
☾	Արագածոտնի նախալեռներ	+1 + 6 +13 + 17

☾	Արարատ	+4 + 7 +16 + 19
☾	Արմավիր	+3 + 7 +17 + 20
☾	Վայոց ձորի լեռներ	0 - 3 +7 + 11
☾	Վայոց ձորի նախալեռներ	+3 + 7 +16 + 20
☾	Սյունիքի լեռներ	0 - 3 +7 + 10
☾	Սյունիքի նախալեռներ	+1 + 5 +14 + 17
☾	Սյունիքի հովիտներ	+6 + 10 +19 + 23
☾	Երեւան	+5 + 7 +16 + 18

Լրատվական գործունեություն իրականացնող՝ «Ժողովուրդ թերթի խմբագրություն» ՍՊԸ  
Հասցեն՝ ք. Երեւան, Արշակունյաց 22՝/3, հեռ՝ 010 54-64-23  
Պետական գրանցման վկայականի համարը՝ 03U089086  
տրված է 24.11.2010  
Ստորագրված է տպագրության 21.04.2026  
Տպաքանակ՝ 3968

Գլխավոր խմբագիր՝  
**ՔՆԱՐ ՄԱՆՈՒԿՅԱՆ**

Տպագրված է «ԳԻՆԴ» տպարան ՍՊԸ հրատարակչությունում  
խմբագրություն հանձնված նյութերը չեն գրախոսվում եւ չեն վերադարձվում, Գ նշանով նյութերը գովազդային հրապարակումներ են, որոնց համար խմբագրությունը պատասխանատվություն չի կրում:

«Ժողովուրդ» օրաթերթում հրապարակված նյութերը արտատպելիս կամ ընթացիկ մեջբերումներ անելիս պետք է պարտադիր գրառել հետեւյալ նախադասությունը. «Շարունակությունը կարող էք կարդալ «Ժողովուրդ» օրաթերթի այսօրվա համարում»: